

壺山集

上

香外書冊

413	二六二	和書門
一六二	二六二	
二四九	二六六	
冊架函號類		



庫文閣内	和書
二六二	二六二
二六六	二六六
冊架函號類	

詩文

内閣文庫	番號	和 26266
	冊數	2 (1)
	函號	206 96

206-96





余賦

淺草文庫

壺山老侯詩集序

陽春者雪和者寡矣自

古之云蓋因其調之高

一時無此也而操觚者

壺山集

序

千代官藏

動稱同調無亦尚於
茲乎壺山老侯嗜詩久
矣而其為人也高風清
節世無與比性又善病
往昔余握手金闕論交

青雲視其昂昂然如野
鶴在雞羣一時藝苑亦
稱同調者蓋鮮矣而以
其高風清節與善病遂
猷身列侯班衣裳之會

日混禮俗有妨雅尚乃
營菟裘懸車高枕放情
丘壑招隱桂叢恬憺之
思彌厚獨徃之意彌幽
同調之人其彌少詩賦之

興彌多起於斯居於斯
飲於斯食於斯優游卒
歲而唯於詩云其詩積
成若干千首命曰千秋
館集梓成其志欲藏諸

名山傳之其人所謂不
朽盛事非耶苟有其人
而視之則老侯志之遠
情之達采之妙調之高
得之於心而信之於目

其所至可知也遠之有
漢魏近之則開天宛乎
在斯可以諷咏可以矜
式而後視千百年之古
人於今日之老侯者豈


不愉快乎請余序之余
才劣識淺不能一鳴笙
簧以應朱絃之音敢辭
再四不許然而余於老
侯辱臭味相同之契久

矣而余亦多病頗有同
病相憐之感於其稱同
調不敢當豈可於此舉
默而止乎故述平生之
誼遂綴片言以矣之卷

端云

寶曆己卯秋八月

友人駭湖源忠林序



Faint bleed-through text from the reverse side of the page.

壺山集目錄

卷上

五言古詩十一首

七言古詩十七首

五言律詩七十八首

五言排律十六首

七言律詩五十五首

卷下

七言律詩四十五首

七言排律二首

卷六言律詩三首

五言絕句六十九首

七言絕句九十九首

六言絕句八首

十言古詩十首

五言古詩十一首

卷七

壺山集目錄終

壺山集卷上

男從五位下滕忠籌策卿 校

五言古詩

古意

奄忽歲云徂人生驚駒隙却恨秋夜長促織鳴墻壁

嚶嚶一何悲徹明催刀尺嫵婉紅顏女空房事紡績

素手拭清砧掩淚傷于役生為蕭郎婦死作望夫石

何況經年別容華非疇昔當窓剪燈花不知東方白

青天子夜吳歌

青天一輪月皎皎出孤雲絡緯鳴庭際
 人獨夜聞夫信何日至秋風送雁群
 當秋風送雁群當秋風送雁群
 素李公謙賦詩於外主高齋
 瓊筵十玄夜鳳燭照飛榦商飈一颯
 爽圓月滿華池合堂諸賓僚留連舉金
 卮嘉肴羞脾臆旨酒酌醑醪搦管抽
 秘思盍簪以賦詩水清魚隱藻露下
 烏棲枝祇應相娛樂良會能幾時

雜詩

富貴如草露一朝待日晞終古吾道在足甘
 邴氏微

一瓢天美祿陋巷竟掩扉詩成沈約瘦義勝卜商肥
 世運文章變友于老病違居常衡第下皓首覺昨非
 飲酒

同人四五酌斗酒相歡娛款言供几杖留飲引杯盃
 交淡食亦淡人愚谷名愚何為待走兔釋耒而守株
 念昔徐高士能置一東芻其人德非玉誰敢維白駒
 招隱詩二首
 稅駕辭榮祿經營東山廬楓杉寒照靜橙橘隕霜初
 誰識青岑客浚谷日讀書曾阿聽猿嘯繁園摘秋蔬

落落長松樹颼颼響隱居白雲來鳥道青桂蔭仙岵
 抱犢豈亂後養雞靈藥餘不見夫騷裏垂耳服鹽車
 肱卧青山底日彩上窻櫺啁雀報澄霽羈鴻入杳冥
 蘭杜經秋摧櫛楠霜後青漁弋非吾事琴書寄餘齡
 穹嵌孤隱地泉石和絃清綠底展心晤朋識偶相迎
 厨供菰米飯鼎熟露葵羹懸蘿幽厓路游盤歌采苓

四子詩

山子祥

豐藩一循吏垂髻入詞林不羨青雲翮常操白雪音

朋僚多益者締交於我深徒侶三五子同調流水琴
 敬事北堂親色養慕曾參雖有齧指感能慰倚閭心
 孝順人所大遺訓足為箴觀書破萬卷不啻易籛金
 子德才何俊本自玩世人來往金市裡所以混風塵
 暫雖伴汙俗不表本來真崑山一片玉誰辨石與珍
 終能闕鼂采不遭時哲瞋所親無雜客莫逆惟雷陳
 辭藻若干篇妙製自有神一逢桐廬叟灘上投繯綸

山子祥

豐藩一循吏垂髻入詞林不羨青雲翮常操白雪音

白石山中侶持戒，軾爲名轉輪。隨忍土策馬，返靈城。
大千沙界裡，杖錫獨縱橫。本不立文字，妙偈不必成。
我游方之外，談玄太有情。道合伴毫素，遂結蓮社盟。
久離金骨地，津梁度衆生。法燈能破闇，碧眼具三明。
谷生藍水隱，學伎扁鵲徒。雖不隨俗變，鍼砭使人蘇。
不肯隱陵藪，樓居大道衢。壯膽傾三斗，累觴盡一壺。
王門久懷刺，所遇非濫竽。誰知鸚鵡筆，可以換隨珠。
爾汝交終許，不復從屠沽。不愛漁陽槌，論道相歡娛。

七言古詩

應原子才需寫白鶴圖賦此題其上

白鶴飛來白雪枝，下有五色產神芝。霜翼千春扶靈
駕，朱柯三秀長不萎。借問新圖出誰手，得諸吳興南
嶺氏。粉墨逼真人，健羨瑞彩欲現半。邊紙故人屬我
求，臨移爾自長桑善。方枝仙禽大壽本，無量有神當
飲上池水。

寶曆四年秋病免家居聊述鄙懷二首

馳騁風塵四十霜，主恩却喜老馮唐。側目何幸存

骸骨誤身已識為文章卸簪種種雙蓬髻放歌一唱
擬解擯竈迹寧同蠹書蟲敢向夷路托神駿

烟霞痼疾泉石癖屏居可比游岩宅清風拂牀無點
塵隔闕當塗噉名客眼底窮交有青山孱顏長供俯

仰間肱卧晴窓褰書幌不妨白雲日往還
甲戌冬山莊小築再成扁曰雪堂是歲大雪因

作歌
茅茨再覆足養拙上天賜予以雨雪三冬閉塞唱楚
謳却喜席門絕車轍對此竟日命杯盤衝寒擁褐醉

厭觀可惜芳樹花消地可憐草堂玉為欄梁苑謝家
孰相會灞陵剡曲更無外雪片有意風外飛故故時

點主人衣獨處林丘其幽憇白雪之歌和者稀
去歲懸車辭鳳闕今春高枕卧鷓巢鏡裡形容吾老
矣梅花還發舊時梢寒色新年餘朔雪韶華一夜自

東郊五陵華族鳴玉珂翟公之門不肯過但使楊柳
春風在何妨門庭設雀羅

貧交行

蘇山集

卷五

五


火官藏

世情反覆似積薪傾蓋如故白頭新青雲隔絕白雲
侶青眼翻爲白眼人一貴一賤如雲變世人誰憐管
仲貧正刻華韜起正正公之門不肯出外其
寒食山齋偶題
去年寒食冰未消今年寒食花正飄數行北雁過天
未幾處東風吹柳條三戶孤村無烟火轉覺山齋春
寂寥今春社日病裡過猶識鄰翁酒滿瓢我亦四明
山下客發狂還將解紫貂
海門把釣歌
此下對草堂正嘉酥製其商客

三叉口南海門秋應似上虞三石頭江東八月鱸正
美數處漁舸乘波浮我亦拂衣方平輩一箇釣竿信
手投不問江魚受餌少此心不繫若虛舟想彼烟波
玄真子綠簑臨風任去留君不見嚴瀨披裘子陵釣
磻溪得璜呂尚綸不用物色訪齊國何勞布卜田渭
濱海客歸來有相問只道東海釣鼈人
東里先生貽水仙花賦古詩一篇酬之
玉質玲瓏照席開凌波疑是宓妃來水中僊子花中
貴金作盞兮銀作臺綽約偏欺姑射雪芳香宛動羅

浮月對此若使陳王裁彩筆如花鬪奇絕
 自解人生樂事稀幾春心約弄芳菲年年此際愁風
 雨咫尺芳園與春違老去生平多疾病春寒不耐雪
 霏霏樽前病起逢勝日歲月如流花已飛銜酒坐對
 新柳色別來憶得舊遊非悲吟搔頭轉驚嘆佇立中
 林送落暉
 題東里先生詩篇
 白髮萱洲老處士可稱大隱隱朝市一區之宅枕潮

流此地曾營明月樓明月一片湧波際明珠一握照
 牀頭鵲冠君子温如玉白雪篇成傳郢曲欲薄梁家
 照乘光還輕趙氏連城色引商刻羽和人稀彩筆縱
 橫粲如織英俊也知枚叔倫諸侯貴戚迎蒲輪觀濤
 共坐廣陵色作賦久為大國賓七發裁來起太子三
 都一出驚吳人洛陽紙價為之貴傳寫競秘帳中珍
 仙骨一朝埋峴首詞林長失造樓手豈翅竹帛勒功
 名遺草千秋垂不朽
 畫龍引贈越叔岳



懷仙之閣郭門東雙闕祥雲指掌中中有神鑿憑玉
 几三千妙劑得龍宮壁間常揭畫龍圖墨妙曾傳陳
 所翁不問泥蟠淵躍狀寫出行雲致雨功宛然四座
 真龍現壓殺僧繇與葉公頭牖尾堂入辟易欲令觀
 者失魂魄蛟綃巨軸忽生風雲氣游漫不可摘火鬣
 電眸光射眼奮鱗矯首勢臨席君不聞馬師皇是軒
 轅臣能向病龍鍼其唇元識君家藏上藥好龍不獨
 畫圖真

送軾師還東奧

白石桑門久相識一乘紆果辭上國禪心如水逝難

留臨別看雲指直北此去仙臺數百程杖鉢羨師橐

裝輕扶桑日射金華島弱柳春通翠葉城經歷無心

愛壯遊朝陟海嶽暮江流短衣如鶉便揭厲却笑甯

生歌飯牛元知乞士食易索伊蒲之饌充香積歸來

更採山中芝不用仙人煮白石定裡焚香香似霞禪

餘落筆筆生花少林何日傳心印揮塵法筵演三車

梅花引贈社友

梅花成塢隔四鄰芬芳不改十餘春春風吹送花如

雪春夜晴分月似銀如雪如銀皆潔白看花看月共
清新年年此際多嘉會相逢總是眼中人美酒千鍾
不辭醉操觚握管賞芳辰今年二月欲移家壁經囊
書送五車百事鞅掌僮僕走三旬不問後園花飛花
簌簌委春草幽榭寥寥負歲華主人携來一瓢酒吟
詠不讓何水部竟日花前獨彷徨我情殊與梅花厚
君不聞當年陸凱憶相知江南春色附新詩我爲朋
好歌白雪更拾落英代一枝

巢雲閣歌

巢雲之閣與雲齊天游忽覺萬象低灌木翔禽曲檻
下芙蓉祠柏飛檐西赤霞片片看欲落白雪峨峨望
不迷閣對東山高數尺東山憶昔李太白白也嘗道
巢雲松棲遁將追惠遠跡我亦久慕謫仙徒誅茅新
起山腰宅歲時高枕只看雲雲卧扶病擬少文棲丘
飲谷不肯讓行雲傍戶亂紛紛初看觸石僅膚寸不
待崇朝逐吹分華陽真人獨自怡霏霏雲葉本難持
曾驚暮雨襄王夢更促秋風武帝辭又不聞華之封
人說陶唐乘彼白雲至帝鄉即今肆意遊五嶽未傳

上仙辟穀方別來兒孫瞻望我山中親舍白雲長孤
鴻遙自南溟至寡鶴近迴北岳翔笑傲鷦巢一枝小
垂天六翮凌彼蒼

山田氏家藏端硯歌應宗俊需
文房寶玩硯爲首玉質溫瑩能耐久經國千秋修大
業文章併是見不朽操觚之客競相求華夏諸州石
皆有青絳歛端產美材就中端石最奇哉呵之天液
生石面良工鑿成墨海開堅緻如鍊潤如玉金星鸚
眼黑雲田礬磨古色殊陶瓦壓殺漢宮兼魏臺此物

日東希所見山田氏家藏茲研斧柯紫石無纖瑕殺
墨如風雲片片淨几明窓芸閣上中山毫穎吳門練
並稱四友日相仍揮灑居常寫黃卷活眼宛然月暈
圓墨光爛發照詞筵瑠璃硯水墨不涸一注題盡詩
百篇從此杏林君異宅于花于月會群賢鳴禱此研
屬才豪寶愛逾知聲價高不獨天池濡彩筆君家元
有鳳凰毛

春末集詮師房分體賦七言古

白蓮池頭春晝長白蓮社友會一堂東林三月春將

暮石上猶餘雨花香佛刹從來人語少年色蕭然聞
啼鳥瀑泉淪茗坐談玄又有山風生樹杪

五言律詩

將涉大堰河水漲彌旬聊以短述
淫雨彌旬日長河激浪通雲埋龍窟冷海黑蜃樓空
獨憶窮途哭誰圖治水功詰朝報晴色不厭石尤風
渡坂東河值大水作常黃表
積雨河流決蒼茫沒岸汀平田如巨浸比屋似浮萍
四顧秋天白唯看暮嶺青人烟何處起停棹問郵亭

宿睿麓莊

籃輦堪扶病時尋松菊園人迷黃葉徑秋鎖翠蘿門
社酒俱成醉村歌不厭喧幽棲宜信宿野服適寒溫
山莊待雪
千山將下雪十里暮雲黃微霰先裁賦嚴冬轉命觴
鷓鴣鳴老樹鼯鼠隱疎篁閉塞堪高卧無人訪草堂
歲杪大雪構火命觴
夜來庭際雪晶耀射窓櫺温酒螺杯白圍爐獸炭紅
梅花爭皎潔竹樹失青蔥老疾須堅卧無心比邵公

携諸子過飲原子才去寒氣望俱無
 欲問丹砂竈相將會一堂杏林春已老
 橘井水還香家秘青囊訣書藏金匱方
 病軀偏可托不必見長桑
 首夏宿山莊
 興熟頻投宿人稀地亦偏鄰連新綠
 樹坐擁舊青氈過雨沾盧橘間雲響
 杜鵑清風吹面好窓下足孤眠
 夏晚別莊漫興
 伊我棲遲處幽篁擁草堂松醪宜避暑
 竹榻好乘涼雨燕藏桑柘風螢點稻梁
 晚來試行藥明月共彷徨

携滕子行重過川子保宅
 稍同摩詰墅不問辟疆莊
 衆鳥鳴幽澗微風入嫩篁
 主人成畫癖賓客搜詩腸
 琴酒相携處重開翰墨場
 秋晴
 雨散西郊外田疇農事饒
 罷牛涉行潦唳鶴過晴霄
 山館朝暉靜霜林秋葉凋
 眼中無識者來往伴芻蕘
 秋杪山齋夜坐
 岸幘坐黃昏砧聲何處村
 秋池河影冷月樹露華繁
 野服宜添絮山杯欲倒樽
 老懷搔白首永夜向誰論

答子瞻源公見寄懷東山幽居作
 非君同隱操安問遂初心丘壑宜雲卧風塵本陸沈
 園餘藜藿足宅擁檜松深豈謂書燈下佳人寄玉音
 高東里明月樓集得高字
 愛此江樓夕秋光倚檻高騷人皆賦月病客更觀濤
 意適郎官膾狂持吏部螯長風吹醉態萬里望滔滔
 答東里先生見寄
 不恣山泉賞爭叙箕濮情素心慕魚鳥初服易簪纓
 隱擬陶徵士狂同阮步兵放歌聊遣興難和郢中聲

淺茅原上望墨水作

北風吹颯爽落木下中流荒野黃茅合寒洲白鳥浮
 腰鎌皆牧豎掛席一漁舟古憐斜日踟躕立渡頭
 冬初東里先生谷文卿過飲山齋喜賦
 寂絕閑虛館寒高台嶽阿野庖新酒熟竹筵故人過
 白鶴棲雲樹玄猿攀石蘿初衣堪共著唱和采薇歌
 夜自牛頭寺歸途中贈東里先生
 共步東林月黃昏路不迷藤蘿烟色合桂樹露華淒
 禁酒遊蓮社聽鐘過虎溪攢眉君可笑重遣濁醪携

春雨葆真居集分池塘生春草句各賦得池字
細雨年芳靜輕風度綠池陽春搖彩翰和氣泛金卮
草入西堂夢梅催東閣詩浮雲今滿眼不敢到茅茨

山齋贈東里先生

山館春將盡林花萬片飛曾丘鶯已老仄徑客愈稀
不意携藜杖無端叩竹扉為同泉石癖共著薜蘿衣

同前席上答東里先生

偶值幽人至蓬門掃落花盤飧無美脯鼓吹有鳴蛙
歌詠芙蓉雪杯銜桐栢霞山房春欲暮倚檻惜年華

夏初聞竹子德自勢南至賦寄

忽逐三春雁乘風辭故園舟輕嚴子瀨花盡武陵源
藝苑携詩草玄亭載酒樽不嫌避喧地率意問衡門

山中幽居

翳茅陵藪際山水日經過夜釣隨蘆葦晨興捫薜蘿
縈迴皆碧玉合沓只青螺豈道非真隱生涯一放歌

夜坐

片月當牕落群星傍樹懸誰為牛渚詠獨念朗陵賢
泉響流螢外風清剪燭前吟詩猶未寐雞報五更天

胡鷹思狡兔，羈馬獵城西。絕澗傾風翼，荒原亂雪蹄。
 錦條寒日落，玉靶暝雲迷。未貫新豐酒，街頭鳥欲棲。
 至日寄子華子相二公
 朝來獻履辰，誰念卸簪人。白雪矜難和，青雲少所親。
 山中無曆日，曲裡有陽春。依舊雙珂珮，珊珊入紫宸。
 禪軾師自東，奧至訪余隱。居賦贈
 聞說仙臺遠，凌空鐵錫飛。社中憐彥會，方外愛禪機。
 龍鉢持雲至，鷲珠帶月歸。自今避塵地，相見結荷衣。

夏日津梁精舍集壽曄公初度分得層字

稱壽香臺上，龐眉有老僧。笙迎珠樹鶴，盤薦玉壺冰。
 溪水通仙路，天花映佛燈。東林宜避暑，月出白雲層。
 秋日曄公後園
 層陰秋黯澹，平楚轉蒼然。鬢嶺雲根亂，鴻臺雨足連。
 雁行低塔表，松蓋暗檐前。散步纔投杖，將談石上禪。
 書齋
 石砌芭蕉樹，當窓抽數莖。風搖疑扇影，雨打誤棋聲。
 駭鹿藏隍夢，狂僧寫字名。青青照雙眼，更對酒杯清。

草堂七夕
 曬衣思北阮解組厭東曹
 唯有細鱗膾那求並蒂桃
 秋生風樹爽星傍露盤高
 乞巧非吾事乘涼命濁醪
 弘福寺桂花
 月朗清虛府秋高靈隱山
 歲看雙桂樹花發擁禪關
 子墮何時種香飄幾客攀
 不遭天上斫舊幹老人間
 巢雲閣
 閣在層北此余飛避處
 吾愛巢居子巖棲避虎踪
 夢遊攀月桂吟望倚雲松
 宰相怡難贈徵君膝可容
 石門常鎖斷况有翠蘿封

文卿宅集得仙字

市井春駘蕩樓閣花柳邊
 青牛車似水綠蟻酒如泉
 煉藥希真隱餐霞擬謫仙
 登臨容膝處別有玉壺天

三日東莊偶題

似入天台路還疑源上春
 桃花相映日流水自隨人
 雞犬聞南陌絃歌起北鄰
 却憐無識者秦代一遺民
 春日過嶺松寺
 籃輿扶脚疾乘暇叩禪關
 非弄三春色偏貪半日閑
 烟霞高佛地物候異人寰
 偶坐聽松籟相忘昏黑還

辛巳七夕書事二首
儘疑搖落色滿目澹雲愁燈燭傷長夜梧楸感早秋
星窺乞巧女月暗穿針樓天上無過雨人間涕泗流
鸞振悲風度秋聲似廢墟金鳧沈不返青雀去何如
魏寢人號泣秦陵草剪除西窓當落日獨曬滿牀書

秋日東莊二首

草館秋蕭爽乘閒下澤車淺沙馴鷺立高柳噪鴉斜
水碓舂陳粟風爐熟苦茶蒿萊久不剪真似野人家
疎理東鄰樹房櫳風月清芋肥含露氣蕉破引秋聲

竹飲堪傾榼松燈不用檠五車書可讀那更慕匡衡

中秋小酌瓶中挿蘭桂二花因分其字

每逢明月秋攀援小山桂爽籟散天香圓輪澄夕霽
興酣芳醕盡宴夜蘭膏繼未到清虛府皓露冷人袂

旅夜書懷

多雨難驅馬山郵青靄中蘿軒晴待月竹屋夜生風
客夢驚飛瀑歸心逐斷鴻方知蕭寺近鐘報翠微東

壬午試毫

淑氣幾時至新年仍沍寒層冰迷雁鷺積雪沒林巒

蘇山集 卷七 十一

戶見桃符列家同栢酒歡陽春將試筆亦似和歌難
除歲有感

一歲將除夕菱花奈影何居諸如轉燭老壯似投梭
不朽曹丕論相憐公幹疴樽前閱詩草大半古人多

人日葆真居集二首

春歸人值日市近酒如河勿問金花勝將誇白雪歌
朋情寬禮數鳥哢促陽和草屋能棲隱墻東即薜蘿
階蕘開七葉門柳掛絲斜糲飯隨吾適新醪任客賒
不才逃世態垂老感年華醉後聊呵硯還看筆底花

雨中遊津梁精舍席上贈叔岳

雙林春色靜陶陸此相携瀑布鳴兼雨山花踏作泥
高僧談妙理好鳥入新題丈室宜三笑那須過虎溪

重五寫懷

午日清齋飲新蒲映酒濃冰壺窺鬢髮彩縷愧形容
雨濕黃梅落雲籠綠樹重湘纍千載後賦罷欲誰供

送人之西京

輦轂豪華地風烟勝海東足觀人物美兼仰 帝圖
雄護國山河繞朝 天冠蓋通賦成爭壯麗還與孟

蘇山集 卷七 十一 蘇山集 卷七 十一

堅同

王母進桃圖

漢武承華殿仙車降紫霄尚看青鳥信無復白雲謠

碧實經年熟霞裳曳地飄天風如在樹忽爾入輕綃

平日七月六日書感

天上迎靈匹人間望少微梧桐先露落烏鵲待秋飛

庭供新瓜果牀餘舊褐衣六年廬冢後弟子淚堪揮

九日水莊二首

一水桃花後重陽復放舟亭通籬菊徑岸對海鷗洲

柿熟懸晴日蘆枯亂晚流鄰人親送酒獨酌不相酬

酒熟黃花候秋深白雁天龍山開翠黛墨水疊清漣

釣閣登高日農田擊壤年餘生堪一醉肱卧不求仙

老子過關圖

函谷西昇去仙蹤萬古存青牛停險路紫氣傍關門

圖貌顏容異經傳道德尊向來微令尹誰誦五千言

從軍行

胡天看候火漢卒出防秋授鉞勞明主分符重徹侯

風鳴金鎖甲雪點紫茸鞞難恃長城固關榆殺氣愁

塞下曲
試用龍韜策驚奔瀚海鯨
堅冰鳴馬足大雪阻軍聲
火照單于帳寒高去病營
幾時裁露布飛騎向西京
賦得春草送子德
可是王孫路萋萋春草深
豈令人跡沒還被馬蹄侵
似得池塘句相思兄弟心
家鄉千里外野色入行吟
徙居後喜社友至
遂卜逃虛地徜徉此一丘
出安顏蠲步行伴陸通遊
隔樹窺青嶂登樓眺綠疇
足然三五子聲咳喜莊周

閉關

吾廬元狹陋秋色閉關深
寺隔香楓樹家圍苦竹林
看雲高隱操指月識禪心
幽獨唯安卧時爲抱膝吟
紫荷池泛舟
十里滄池上投篙弄碧波
沼荷飄露渚潭樹蔭龍渦
夜候湘靈瑟風疑越女歌
留連未回舫鏡裡月明多
徙居後社友不會數回賦
此贈子祥兼及餘子
來云二首
同學諸兄弟離群且抱疴
即今生別似無奈舊盟何

虛席寧忘醴鳴絃不和歌睽違非永訣壚上邈山河
來往中原侶胡爲聚首難瓜期違警咳寶契奈金蘭
雞黍何因設參商不可看翻疑垂釣日湖海起波瀾
外杪冬同圓海終南二上人及滕子行遊天祥寺
重尋方丈室積雪敞諸天階指庭前栢爐披火內蓮
醍醐供玉鉢翰墨借香筵真假無相隔聊參文字禪
答山子祥病中寄懷作
問訊閒園興梅花雪後遲尊醪寧獨酌藥餌負幽期
漫說仙郎夢空吟水部詩春芳何日賞恐入笛中吹

淵明把菊圖

獨有南山色蕭條重九辰徒憐盈把菊自笑攢眉人
西日斜籬落秋風冷葛巾忽逢白衣至一醉不知貧
夜宿函嶺

九折崎嶇路行疑向蜀門迸泉懸石壁膠木裊山根

磬響雲間寺燈明樹底村捫蘿猶未息嶽色正黃昏

林卧

午色林亭靜清風更颯然薜蘿成翠幄苔蘚當青氈
卧豈高元亮眠應笑孝先醒來松籟響勝聽奏鈞天

雨中文卿至
欲避城南熱還衝郭北泥
竹舍今雨色風至故人棲
夏簟聽蟬坐冰壺為客携
山山餘晚照雲外有虹蜺
擬秋夜寓直
歸鳥掖垣外金莖承露高
秋深青瑣闥月散白雲曹
剪燭收封事聞鐘著賜袍
豈言疲獻納宵旰聖躬勞
西日人日聞鶯
入春纔七日窓外有新鶯
未見遷喬態先聞出谷聲
風烟共歲改節候令人驚
依舊靈辰酒銜杯待友生

哭子德三首

護洲三五子悲爾已為郎
埋玉誰營兆修文獨擅場
囊餘詩白雪匣失劍清霜
窳窳知何處天涯思渺茫
天上雖差樂其如永訣何
潛然雙涕淚邈矣舊山河
召汝玉樓記傷予蒿里歌
豈知丁壯歲傲骨瘞巖阿
死生元有命藏壑溘堪驚
篤疾憐冉子多才惜陸兄
梧桐先露落蒲柳謝秋輕
便欲持雞酒他鄉奈舊盟

八月十六夜月下賦

昨夜蟾宮雨千家失月明
攀林迎素影踏閣坐新晴

碧桂香逾滿金尊酒復清飽乘今夕興不減庾公情
獅山俊鳳二沙門見訪分得侵韻

隱來雖晦迹緇錫偶相尋爲設青獅座將聽彩鳳吟
山供支遁愛雲悅慧休心石鼎俱烹茗寒牕夕日沈

大雪二首

北郊盈尺雪四望皎迢然呵硯攀層閣銜觴坐舊氈
色埋梁苑竹寒動剡溪船勝興堪催賦誰能擬惠連
山水多佳景千林况著花遙看銀界雪頓失赤城霞
履沒無人迹旂搖辨酒家瑤華凝萬象不遣柳條斜

示紀君爲

今古論詩者皆言天寶年工堪推老杜調本愛青蓮
可勉囊螢學何須繡虎篇春秋君獨富寧讓昔時賢
仲春葆真居集分得飛字

探春二三子來叩竹間扉野水東流漲郊天北雁飛
村醪催酌酌庭樹發芳菲彩筆題詩處明霞引晚暉
五言排律

送滕子相之浪華

樂土開雄鎮層城守四疆山河秦百二塹壘漢金湯

治世稱華與
神祖遷都仰
德皇人烟留
六郡良彫孤
橘柚香明時
萬里長浪華
多寶玩慎勿
滯他鄉

賀東里先生五十初度
五十甘棲隱
烟霞養性靈
探囊皆石髓
滿架只丹經
綠鬢存仙骨
朱顏伴鶴齡
天臨南極老
宿應少微星

海上行求棗山中去
劉苓曾携九節杖
履歷熙康寧

寄懷軾師寓居

都門擔錫地也似
隱墻東避世烟花
際觀心色相中
碧雲裁妙偈白鶴
見神通鄉土何年
別交遊我輩同
談禪驚點石浪迹
羨飄蓬行處從容
膝那能慕誌公

送宇土侯西歸

幾歲持龍節銜恩
發鳳城畫熊千里
去彩鷁九州行
珠探囊詩出花揮
橐筆生阿蘓山翠
映筑紫海雲平
落月醒鄉夢奔濤
動旅情看鴻歸碣
石翰札寄東京

夏晚東山別業

隱來多不出勝愜此幽踪日落高低樹雲竒八九峰
朗吟行跂石長嘯坐看松薜幄山螢點荷裳月露濃
東陵瓜正熟河朔酒堪供何用燒孤燭風傳甲夜鐘
贈松山世子兼懷君脩
朱門公子讌豈讓建安年翰墨池臺上笙歌月樹前
能文虛左席肯酒滿初筵總抱彫龍技誰當繡虎賢
千秋傳大業七步見雄篇賓客登臨夕才名有仲宣

月夜即事二首

河漢晴瀏亮西風拂屋楹雲追鵬翼疾月滿蚌胎明
碧桂含香動青梧滴露清冰壺凝夜色玉笛襍秋聲
搗藥姬人怨登樓老子情更闌華篔冷箔外斗牛橫
月戶秋將滿蟾宮顯氣浮雲間開素質閨裏照明眸
破鏡離人淚刀環戍卒愁吟迎牛渚舫興洽武昌樓
膩粉爭新沐琴尊感昨遊依佈今古色玉斧幾年修
秋日山館即事
爲養頑疎性翻憐僻陋居撥雲入峰岫步月到林間
微逕蟲吟夜喬柯葉下初開瓶浮素蟻凭几閱丹書

魏闕情元薄程鄉興有餘莫將高卧地準擬武侯廬
月夜憶荳洲舊居有感

素商風浙瀝念彼舊漁磯湖海論心隔新朋屈指稀
空樓秋定滿陳迹物皆非竹壓濡書幌蘿侵鎖版扉
白雲常不遇黃鶴竟忘歸却恨寥天月明暉失少微

呈子相滕公

懷君屬清夜秋滿月琴河命駕情偏切乘舟興奈何
孤鴻凌碧落雙鯉下滄波懶失青雲器狂高白雪歌
停杯嗟舊識馳翰問沈疴早晚忘袍笏相看製芟荷

蹇劣曾甘宦興疎專城四十已懸車枕中煉藥窺鴻
寶江上移家絕鯉書鳳闕青雲違七貴芸牕白雪惜
三餘豈圖舊侶因同署故枉新詩問隱居

題桃源圖

爛熳桃花夾一溪漁舸何意弄篙迷冰綃銀浪輕如
疊彩筆紅霞麗欲低源裡樓臺無過客洞中來竹有
鳴雞仙區眼底褰裳去荷杖兼令春酒携

題壁

寒牕斜日歲華徂回首浮雲隔世途漫說滄桑驚跡

變何言帶礪見盟渝吹毛人畏魚腸劍遭睡誰探龍
頷珠老馬雖存難用智只今齊國失夷吾

曾為津梁出沃洲彌天杖錫動淹留誰將俊逸推支
遁獨訝文章慕惠休京洛風塵衣易化嵩丘雨雪器
難求即今樂土度群品不及安禪石室幽

春遊上夜漢王孫愛客如雲紫馬屯月傍西園池上
蓋花飛北海座中樽錦燈繞樹搖星彩珠履沈沙見

始願今方愜塵寰遂振衣青山於我好白眼與人違

對野營蓬室臨流掩板扉將看淇澳竹擬采首陽薇
客問椒園至身同栗里歸曾經慚蠖屈即便伴鴻飛
歲想桑麻熟秋期粳稻肥終忘簪弁貴又息桔槔機
祿米知榮辱還丹悟是非自茲虛牖裏嗒坐下書幃

七言律詩

秋夜戲贈子彥
白露秋風冷滿園清齋明月照黃昏佳人窈窕應憑

檻遠客蕭條獨對樽琴裡鳳凰傳艷曲笛中楊柳動
離魂遙知故國金閨夜欲搗寒衣掩淚痕

和原秀才春日早朝作

長樂鐘聲瑣闥開鳳城初日照蓬萊青旂風動龍文
映玉宸雲披雉尾來北闕祥烟含御柳南山淑氣入
官梅承恩共獻椒花頌誰似仙郎和郢才
路入邛邽九折回行看夜火照崔嵬飛泉觸石聲愈
咽老樹埋雲望未開可是王尊驅馬地遙思張載勒

銘才西山月落藤蘿外忽聽晨鐘處處催

還鄉後寄懷烏山侯侯時入覲東都

歸藩秋滿海隅山述職知君五馬還江上空懸青瑣
夢日邊遙想紫宸班一時謝客風塵外多暇招賢翰
墨間署裡少年如問訊病來華髮卧鄉關

答烏山侯

八月潮聲動地來孤城秋色此徘徊題詩爲問觀濤
壯潦翰偏羞賦海才萬里浮雲雙睥睨千峰落日一
樓臺風塵非是吾儕事病懶饒佗醉酒杯

秋夜卧病代柬贈東里先生

病來秋氣滿江皋
蕭瑟西風吹二毛
楚地悲懷容汝
共吳中適意奈吾曹
孤燈四壁蟲聲苦
雙杵千家月色高
賴有故人枚叔在
幾時能賦廣陵濤

所

悵望傷心白髮年
風光何處不相憐
人間舊雨逢今
雨原上春烟含暮烟
老眼看花還濺淚
愁情對酒未
成眠行雲流水須臾事
撫枕空齋獨愴然

子相滕公製帳子華源公畫其眉使余題詩賦

此戲之

帳畫芳蘭擁睡牀
月明秋滿使君堂
清輝夜朗珊瑚
映綠葉風生翡翠香
夢似羅浮驚趙氏
卧應彭澤到
羲皇避塵憐子堪
高枕不管人歌新嫁娘

寶曆癸酉春余甫四十大夫人預賜壽儀促之

越正月廿七日張筵於叢桂居恭邀輜輶群兒
及諸子會集為壽欣然有述

置酒先觴覽揆辰
獻酬相賀滿堂人
蟠桃結子三千
壽叢桂成陰四十春
彩筆賡歌供愛客
斑衣學舞奉

慈親吾家翰墨兒孫在遮莫今年鶴髮新

端倪上人書及詩至自五雲峰答謝

鴻書遙下五雲端方外論心問舊歡伏枕何關人月
旦披緘兼報竹平安玄言久負青山色妙偈偏疑白
雪寒蓮社別來空對酒懷君也作攢眉看

東里先生罹病久矣衆醫咸曰酒困頃有起色

喜賦寄贈

閉關撫枕卧幽亭蓬髮蕭然似獨醒莫作程鄉十日
醉何妨婁護五侯鯖門庭依舊先生柳霄漢仍高處

士星從是吾曹休載酒牀頭長草太玄經

題別墅壁余時掛冠

老疾誰憐似少文卧遊丘壑入看分忘機自有沙鷗
狎取食何妨山鳥群舊築茅檐依密竹荒庭石鼎煮
香芹登樓更聽松風響不向人間說白雲

致仕後答東里先生見寄

中原移疾偃紫扉久羨江天有少微抱甕應憐麋鹿
性掛冠纔結薜蘿衣三盃濁酒甘芳菊一曲狂歌擬
采薇浪迹人間若相問華陽高處白雲飛

秋杪子才子行過訪葆真居席上賦贈

間園秋樹自蕭疎邂逅相携訪隱居金匱方傳勾漏術黃庭經擬右軍書酒筵避世閑三徑詞社論文緇五車市近盤飧羞粗糲一杯新釀薦枯魚

乙亥元日大雪贈子相

鳳皇城外雪婆娑端笏憐君鬢轉幡御柳千門飛絮急官梅三殿著花多樓前積素迷金掌陌上凝華誤玉珂誰識幽廬高卧客陽春獨唱郢中歌

夏中題鍾欽禮雪中山水圖

雪飛縞素入毫端驢背幽人獨倚鞍遠樹分明鍾氏妙名山髣髴剡中看卧遊漫探殊方勝奇觀兼生長夏寒前路終令行跡沒何門能得起袁安

谷文卿告別席上賦贈

離歌別酒暫留歡何憚岐岨行路難曾說五丁開疊嶂况從千騎過驚湍壯遊豈有飄蓬嘆佳境應同噉蔗看去矣天涯秦棧道秋來雁札問平安

過飲滕子行新居時宗延年川子保僧大海在座各作畫因賦

新築書齋接市樓揮毫貫酒對清秋攀蕉寫字唐懷
素種竹移居晉子猷結構何關來燕雀棲遲偏愛似
林丘興闌恰勝開厨畫坐客丹青薄虎頭

老懷

柴關寂似子雲亭冰雪三冬滿戶庭松栢歲寒仍壯
節桑榆景促已頽齡終身隱操憐宗炳結髮書淫慕
管寧每向晴窓閱詩卷問奇人道草玄經

秋雨同東洲上人谷丈卿過明月樓

方外相携訪舊遊江天明月暗高樓西山疏雨朝來

過南浦浮雲晚未收徒繫尼珠衣裡照共懷和壁握
中投層陰不辨金波色偶坐忘機弄海鷗

歲杪邀東里先生對酌有贈

一結金蘭雙鬢皤生涯志願任蹉跎按絃流水知音
少染翰浮雲傍眼多海內文章玄豹隱人間歲月白
駒過冰壺綠酒忘狂態潦倒俱吟孟德歌

南浦泛舟值雷雨

萬里潮流白日昏南天鳴雨似傾盆雲垂蜃市樓臺
沒浪拍鼉磯霹靂奔河伯旌旗迷島嶼釣徒舴艋失

乾坤避來不覺臨龍窟巖際停橈對海門
萬里歲晚答竹子德
掉頭曾自卧林丘一代行藏論未休嶺上持雲稱宰
相山陰賭墅見風流琴書長嘯藤蘿月服食深逃桂
樹秋愛爾避塵同隱操銜杯歲晚此優游
草堂守歲
陋巷人稀草屋偏寒燈下夜坐青氈餘生非羨神龜
壽壯志徒傷老驥年杯酒罄歡酬舉白文章違俗賦
思玄衡門明日東風裏春色應含五柳烟

題某使君廢宅

人在國亡臺榭空朱簾不捲映蒼穹含泥海燕窺虛
壁帶露園花墮舊叢趙瑟絃徽悲夜月吳姝紈綉怨
春風謫居物候同金谷酣宴誰能伴石崇
不見君脩數年已卯夏邂逅於軾師竹隱軒喜
十年踪跡似離群共是疎狂厭世紛翰墨曾隨南郡
帳烟霞已勒北山文竹林載酒容青眼華界裁詩獨
碧雲偏愛惠休禪寂地間泉暫向定中聞

哭服子遷
高堂絳帳促悲秋
赤水投珠罔象愁
容接猶思元禮
傲風流終失季長倫
人間埋沒衝星劍
夜半蒼茫藏
壑舟歸骨山丘堪慟哭
唯餘醉客避西州

秋夜宿東莊有懷文卿

竹逕風通白版扉
荷裳已製易牙緋
東閣沃土秋瓜
熟北岳喬林夜鶴歸
清漏芸窓看月長
寒砧草閣覺
霜微獨憐短髮羞
孤燭同學良朋未拂衣
子祥餽雙魚賦此答寄

一竿乘暇伴漁船
豪興銜杯且擊鮮
門內兩頭從汝
置腹中尺素為誰傳
不妨魚鼈貪香餌
應笑烟波費
酒錢釣罷齊風堪
獨唱轉思東海太公賢

答終南上人見寄書及詩

盧岳分携三十年
雲泉擁座獨安禪
彩毫裁偈蓮花
色碧眼傳燈栢樹前
夜靜寒林聽虎嘯
春來幽谷見
鶯遷何圖白足懷
塵土錦字翩翩到海天

贈端倪上人

北丘高臘愛山居
栢樹成陰擁佛廬
鷲嶺長傳三世

火星龕獨誦五天書
綵雲送色飛龍鉢
花雨飄香點鳥旗
聞說摩尼臨寶席
階前白月照真如

答子瞻源公

前朝舊好幾人存
屈指同袍衰淚痕
白髮掛冠非適意
青春高枕是殊恩
華陽雲卧空相憶
金馬陸沈寧可論
巾載墻東猶混俗
唯令五柳鎖柴門

南樓烟雨

綠簾衝雨試攀躋
峻閣高標樹杪齊
壓氣成樓當埤峴
鯨波捲雪撼階梯
崖頭海舶檣烏轉
烟裡巖廊幕

燕迷日夕乘晴還
極目南天返照帶
虹蜺

月夜宿東林精舍

香臺迥入碧雲層
秋淨東林堪可登
滿月寂然黃面老
清霜凝坐白頭僧
天邊倒樹疑仙桂
崖際垂蘿懸聖燈
好是飛泉頻破夢
唯當隨意卧峻嶒

冬日携文卿過軾師房

北風蕭颯滿禪扃
霜葉如花擁戶庭
日澹清池鳧雁白
天寒古剎檜松青
柴車載酒尋蓮社
笏室分泉寫梵經
盟定豈容心雜侶
興來三笑出郊坰

寄訊源子瞻卧病瓶菊附呈
嗟君老去客江關伏枕蕭條歲月閑
亂葉秋流朱羽水浮雲日隔玉芝山
三朝雨露安龍卧一代文章見豹斑
霜後纔逢叢菊發摘來聊慰楚臣顏

望野

郊外霜清草接天孤村白屋少人烟
勁風一陣飛禽盡疎樹三冬落日圓
身愧在聖朝無棄物時疑曠野有遺賢
向昏獵馬爭歸路不似成湯祝網年

答白河侯

暮秋登東海寺潮音閣二首

名藍多勝槩浩劫極攀躋日月諸天敞
乾坤萬象低晚潮驕似雪秋樹渺如蘆
境別烟霞遍山靈物候齊風幢傳虎嘯
雲磬雜猿啼欲洗情塵去翻令眼界迷
大千堪縱目杳閣倚欄高嶽色開螺髻
波光放玉毫發機耽妙理聞梵愧煩囂
衆相空中現浮生定裡逃丹楓含列嶂
白雁下荒臯非擬蓮花偈淹留賦楚騷
村居
衰年不曉事盛業希前修此郭違

明主東陵屬故侯地憐輪鞅少秋見稻梁稠農月晨
春急僧房夜梵幽荷鑱荒徑曲回舫古溪流孤興尋
安道微名似伯休青氈無客坐白壁爲誰酬琴足歌
三樂詩慚賦四愁醯雞遊甕底芻狗棄街頭豈羨輕
肥貴生涯有鹿裘
風動至後過飲越叔岳懷仙樓
憶昔掛冠去樓臨神武門憑軒雙闕出卷幔五雲屯
翰墨閑詩社烟霞對酒樽蘆灰春已動丹井水還溫
市接壺公肆林同董奉園長生應此地那更問仙源

雪痕遶曙歌鐘聲未歇鳳樓朝日照朱門

首春寄訊文卿卧疾
尺素春通藍水南葦門新柳定毵毵席邊藥裹芝堪
拾腰底詩囊錦可探依舊誰過叢竹徑尋芳我醉百
花潭何當病起逢佳景携具俱乘野興酣

屈寧卿惠琉國酒盞席上有贈

主人豪興愛吾徒春醖相酬白玉壺酒灑螺鈿欺琥
珀花粘紅漆奪珊瑚
引鱸丹鼎碧霞君更勸何如持此醉醪酥

擬天台春望

岩堯台嶽挿春天仰視高標萬八千絕頂紅霞長
日中峯碧樹鬱籠烟石梁跨澗人蹤少金策凌空鳥
道懸始識仙凡區域異桃花深處恐留連
春日同越叔岳過曄公房
籃輦乘春五老峰翠微遙報午時鐘雲飛郭北隨鳧
舄雨過溪邊躡虎踪寶刹徑通初地竹香樓霞起上
方松招提不是尋常境賸有天花帶露濃

子華源公入覲賦呈

華省風流一使君公餘清興愛論文高歌屢唱千秋
雪健筆時飛五朶雲燕市黃金空驥足洛京香陌混
雞群少年結客多遊俠不似詞場縱酒醺

夜坐獨酌示社友時子德在勢南軾師之東奧
子祥文卿屢卧疾因述

萱社尋盟已十年一時詞客少周旋睽違南北書難
寄驅逐風塵病可憐燈下清尊誰握醕曲中流水獨
鳴絃草堂夜敞無星聚回首遙天轉悄然

重營睿麓莊四首

壺山集 卷上
草屋牽蘿補廢居松筠繞宇俗塵疎載樽誰訪楊雄
宅移柳寧停陶侃車台嶽天迴窺駕鶴武陵源近擬
縉魚歲時寂寞人應怪嗒坐貪看黃老書
十載墻東厭世紛薜帷今得避塵氛過逢莫說山中
相怡悅唯看嶺上雲濡翰墨池希草聖煉丹松火慕
茅君預知三徑從荒穢天地仍餘麋鹿群
青門久種邵平瓜無那紅塵接狹斜野館翳茅容膝
足山杯把苦勸人賒千章老樹應封雪一道清泉好
浣花病懶自慚無俊句幽居恰似少陵家

百年天地有茅茨土木功成燕雀知白眼誰聞蘓嶺
嘯青山不負鹿門期老懷對月開書帙孤興看春上
酒卮休訝隱侯衣帶緩清羸元自爲耽詩

送文卿之鎌山上東里先生墓

想道乘秋入鶴林遙攀壠樹白雲岑別人雖識藏舟
理送爾還驚掛劍心海月千年留玉貌松濤一夕似
鸞音到來因感悲哉色更有招魂擬楚吟

與子祥

多病逢秋廢濁醪百年天地幾觀濤風塵爲吏憐清

白契濶教人嘆鬱陶生
態曾耽詞賦興宦情寧免簿
書勞子孫何日傳家事安枕
烟霞五嶽高

源子華惠烟具漫作有贈

華陽何必避塵氛
鏤管堪持嶺上雲
當夜北窓餐沆瀣
對春東嶽坐氤氳
腰間鑽鏃雷光閃
鼻底吹烟月暈分
玩弄須臾不可廢
微芬却勝椒蘭薰

壺山集卷上

終

